

ქ. თბილისის მუნიციპალიტეტის საკრებულოს
სახელდებისა და სიმბოლიკის კომისიის სხდომის
ოქმი № 20

23 აგვისტო, 2018 წელი
12:30 სთ

ქ. თბილისი, თავისუფლების მოედანი №2

სხდომას უძღვებოდა: სახელდებისა და სიმბოლიკის კომისიის თავმჯდომარე
თინათინ ნიბლოშვილი

სხდომას ესწრებოდნენ კომისიის წევრები:

მარია დარჩია

ანა ლაშხი

გულია გოცირიძე

თარაშ შურღაია

კომისიის სხდომაზე დღის წესრიგით წარმოდგენილი საკითხების საჯარო
განხილვას ესწრებოდნენ დაინტერესებული მოქალაქეები:

თამაზ გერსამია

გივი ბუთხუზი

გიორგი ოთხმეზური

გულნაზ ქარაია
ნოდარ მისრიაშვილი
ნუგზარ ქორიძე
ნატო სამანიშვილი
ზაზა ნანობაშვილი
როინ მეტრეველი
მიხეილ რამიშვილი
თემურ მაღრაძე
სოფო სოფრომაძე
თეა ტაბატაძე
ზაირა მიქატაძე
ირაკლი ბათიაშვილი
ირინა ბათიაშვილი

დღის წესრიგი

1. ქ. თბილისში, მთაწმინდის რაიონში, ზვიად გამსახურდიას სანაპიროსთან მდებარე უსახელო ქუჩისთვის არქიტექტორის ჯოვანი სკუდიერის სახელის მინიჭების შესახებ.
2. ქ. თბილისში, დიდუბის რაიონში, აკაკი წერეთლის გამზირსა და ალექსი გოგოლაურის ქუჩასთან არსებული უსახელო სკვერისთვის ბუენოს-აირესის სახელის მინიჭების შესახებ.
3. ქ. თბილისში, ჩუღურეთის რაიონში, ტარას კვარაცხელიას ქუჩასთან არსებული ორი უსახელო შესახვევისთვის ტარას კვარაცხელიას სახელის მინიჭების შესახებ
4. ქ. თბილისში, გლდანის რაიონში, სოფელ გლდანში, რუსთაველის ქუჩისთვის და მასთან არსებული I ჩიხისთვის შოთა რუსთაველის სახელის მინიჭების შესახებ

5. ქ.თბილისში, სოფელ წავკისში, დიდგორის ქუჩასთან არსებული უსახელო გასასვლელისთვის დიდგორის I გასასვლელის სახელის მინიჭების შესახებ
6. ქ.თბილისში, ელიას მთის ქუჩასთან არსებული ჩიხისთვის ელიას მთის I ჩიხის სახელის მინიჭების შესახებ
7. ქ.თბილისში, საბურთალოს რაიონში, ჭანდრის ქუჩის გაგრძელების შესახებ
8. ქ.თბილისში, დიდუბის რაიონში, დიდუბის II შესახვევისთვის ალექსი გოგოლაურის I შესახვევის სახელის მინიჭების შესახებ
9. ქ.თბილისში, ვაკის რაიონში, ჯურხა ნადირაძის ქუჩასთან არსებული უსახელო შესახვევისთვის ჯურხა ნადირაძის I შესახვევის სახელის მინიჭების შესახებ.
10. ქ.თბილისში, სამგორის რაიონში, ჯავახეთის ქუჩასთან მდებარე უსახელო ქუჩისთვის ისტორიკოსის, აკადემიკოს გიორგი მელიქიშვილის სახელის მინიჭების შესახებ.
11. ქ.თბილისში, საბურთალოს რაიონში, კონსტანტინე გამსახურდიას ქუჩასთან მდებარე უსახელო ქუჩისთვის ისტორიკოსის, აკადემიკოს მარიამ ლორთქიფანიძის სახელის მინიჭების შესახებ
12. ქ. თბილისში, საბურთალოს რაიონში, ლისის ქუჩასთან მდებარე უსახელო ქუჩისთვის და მასთან არსებული ცხრა შესახვევისთვის მედიცინის მეცნიერებათა დოქტორის ფრიდონ თოდუას სახელის მინიჭების შესახებ
13. ქ. თბილისში, მთაწმინდის რაიონში, ოქროყანაში, სატყეოს ქუჩასთან მდებარე უსახელო ქუჩისთვის და მასთან არსებული შესახვევისთვის ფილოლოგის, აკადემიკოს ელენე მეტრეველის სახელის მინიჭების შესახებ
14. ქ.თბილისში, საბურთალოს რაიონში, საირმის ქუჩასთან არსებული უსახელო სკვერისთვის მუსიკოსის ოთარ (კვაჭიჭო) რამიშვილის სახელის მინიჭების შესახებ
15. ქ.თბილისში, საბურთალოს რაიონში, ადამ მიცკევიჩის ქუჩის შესახვევისთვის მუსიკოსის ოთარ რამიშვილის სახელის მინიჭების შესახებ
16. ქ.თბილისში, ვაკის რაიონში, ბაგებში, ნუშის ბაღების ქუჩასთან მდებარე უსახელო ქუჩისთვის კინორეჟისორის დიმიტრი (დიმა) ბათიაშვილის სახელის მინიჭების შესახებ
17. ქ. თბილისში, ჩუღურეთის რაიონში, მერაბ მამარდაშვილის ქუჩასთან არსებული უსახელო სკვერისთვის ცხინვალის რეგიონში საომარი მოქმედებების დროს დაღუპული მეზრძოლის გიორგი ქარაიას სახელის მინიჭების შესახებ.
18. ქ. თბილისში, სამგორის რაიონში, ნავთლულის II დასახლებაში III ქუჩისთვის, IV ქუჩის მონაკვეთისთვის და მასთან არსებული სამი შესახვევისთვის ბიოლოგის, აკადემიკოს ლეონიდე (ლეო) გაბუნიას სახელის მინიჭების შესახებ.

19. ქ. თბილისში, საბურთალოს რაიონში, ვარდენ წულუკიძის ქუჩასთან მდებარე უსახელო ქუჩისთვის და მასთან არსებული ერთი გასასვლელისთვის ფოლკლორისტის, ლოტბარ ფილიმონ ქორიძის სახელის მინიჭების შესახებ.
20. ქ. თბილისში, საბურთალოს რაიონში, ილია აბულაძის ქუჩის გაგრძელების შესახებ.
21. ქ. თბილისში, დიდუბის რაიონში, აკაკი ბელიაშვილის ქუჩასთან არსებულ უსახელო ჩიხისთვის აკაკი ბელიაშვილის IV ჩიხის სახელის მინიჭების შესახებ.
22. ქ. თბილისში, მთაწმინდის რაიონში, ზვიად გამსახურდიას სანაპიროსთან მდებარე უსახელო ქუჩისთვის ფილოსოფოსის, აკადემიკოს ბაჩანა ბრეგვაძის სახელის მინიჭების შესახებ.
23. ქ. თბილისში, კრწანისის რაიონში, ნიკოლოზ ბარათაშვილის ქუჩასთან მდებარე უსახელო ქუჩისთვის ქართლის მეფის დაჩი უჯარმელის სახელის მინიჭების შესახებ.
24. ქ. თბილისში, ვაკის რაიონში, აგარაკში, შუა მინდვრის ქუჩასთან მდებარე უსახელო ქუჩისთვის წმინდაწყლის სახელის მინიჭების შესახებ
25. ქ. თბილისში, ისნის რაიონში, ე.წ. სამხედრო ქალაქში მდებარე უსახელო ქუჩისთვის და მასთან არსებული სამი შესახვევისთვის ცხინვალის რეგიონში საომარი მოქმედებების დროს დაღუპული მეზრძოლის უშანგი (შმაგი) სოფრომადის სახელის მინიჭების შესახებ
26. ქ. თბილისში, საბურთალოს რაიონში, მერაბ ალექსიძის ქუჩასთან მდებარე უსახელო მოედნისთვის ფილოლოგის, პროფესორ ილია აბულაძის სახელის მინიჭების შესახებ.

თინათინ ნიბლოშვილმა დღის წესრიგით გათვალისწინებული საკითხების განხილვამდე გეოგრაფიული ობიექტების სახელდების პროცედურების შესახებ ისაუბრა და განმარტა, რომ დღევანდელი დღის წესრიგით წარმოდგენილი კომისიის მიერ ინიცირებული საკითხები საჯარო განხილვისთვის ოცი დღის განმავლობაში ატვირთული იყო საკრებულოს ვებ გვერდზე და სწორედ დღეს მოხდება ამ საკითხების კიდევ ერთხელ განხილვა საბოლოო გადაწყვეტილებამდე, რომელიც უახლოეს საკრებულოს ბიუროს და შემდგომ საკრებულოს სხდომაზე უნდა იქნას მიღებული.

სხდომის თავმჯდომარემ კომისიის წევრებს და სხდომაზე დამსწრე საზოგადოებას მადლობა გადაუხადა მობრძანებისთვის და სხდომის მიმდინარეობის პროცესში აქტიური ჩართულობისკენ მოუწოდა.

თინათინ ნიბლოშვილმა დღის წესრიგით გათვალისწინებული პირველი საკითხი წარმოადგინა:

1. ქ. თბილისში, მთაწმინდის რაიონში, ზვიად გამსახურდიას სანაპიროსთან მდებარე უსახელო ქუჩისთვის არქიტექტორის ჯოვანი სკუდიერის სახელის მინიჭების შესახებ

მოისმინეს: როგორც ცნობილია, კომისიაში გარკვეული პერიოდის განმავლობაში მიმდინარეობს საქმისწარმოების პროცესი დედაქალაქის ერთ-ერთი ქუჩისთვის იტალიელი არქიტექტორის ჯოვანი სკუდიერის სახელის მინიჭებასთან დაკავშირებით. ამ მოთხოვნით კომისიაში შემოსულია საქართველოს ეროვნული მეცნიერებათა აკადემიის ვიცე-პრეზიდენტის, აკადემიკოს როინ მეტრეველის და იტალიის საგანგებო და სრულუფლებიანი ელჩის საქართველოში ანტონიო ენრიკო ბარტოლის წერილები.

კომისიის სხდომაზე ჯოვანი სკუდიერის ბიოგრაფიაზე და მოღვაწეობაზე ისაუბრეს და აღნიშნეს, რომ ჯოვანი სკუდიერის შემოქმედების გარეშე წარმოუდგენელია თბილისისა და საქართველოს XIX საუკუნის არქიტექტურის განხილვა. მისი პროექტით საქართველოში არაერთი შენობა-ნაგებობა აშენდა. მათ შორისაა: თეატრი (ოპერის ძველი შენობა), რომელიც იყო პირველი საგანგებო სათეატრო ნაგებობა არამარტო საქართველოში, არამედ მთელს კავკასიაში, თბილისის საკრებულოს თავდაპირველი შენობა, ქალაქში პირველი კაფე, პირველი საზოგადოებრივი ბაღი, ასევე პირველი ქვის ხიდი მდინარე მტკვარზე, ე.წ. „მშრალი ხიდი“.

როგორც თინათინ ნიბლოშვილმა აღნიშნა, იტალიის საელჩოსთან კომუნიკაციის შემდეგ, კომისიამ სახელდებისთვის სწორედ „მშრალი ხიდის“ მიმდებარედ არსებული უსახელო ქუჩა შეარჩია.

აზრი გამოთქვებს: მარკა დარჩიამ იმ არაერთ ღონისძიებასთან დაკავშირებით ისაუბრა, რაც არქიტექტორის დაბადებიდან 200 წლის იუბილეს მიეძღვნა და მხარი დაუჭირა დედაქალაქში ჯოვანი სკუდიერის ქუჩის არსებობას.

„ეროვნებით იტალიელმა და იმის მიუხედავად, რომ ახალგაზრდა ასაკში გარდაიცვალა, ჯოვანი სკუდიერმა თბილისში დიდი კვალი დატოვა. სამართლიანობა მოითხოვს, რომ მისის სახელობის ქუჩა არსებობდეს დედაქალაქში, მისი ხსოვნის უკვდავსაყოფად“- აღნიშნა როინ მეტრეველმა.

სხდომის თავმჯდომარემ კენჭისყრაზე დააყენა დღის წესრიგით გათვალისწინებული პირველი საკითხი.

მომხრე - ხუთი.

წინააღმდეგი - არცერთი.

თავი შეიკავა - არცერთი.

გადაწყვიტეს: ქ.თბილისში, მთაწმინდის რაიონში, ზვიად გამსახურდიას სახელობის სანაპიროსთან მდებარე უსახელო ქუჩას მიენიჭოს ჯოვანი სკუდიერის სახელი.

2. ქ. თბილისში, დიდუბის რაიონში, აკაკი წერეთლის გამზირსა და ალექსი გოგოლაურის ქუჩასთან არსებული უსახელო სკვერისთვის არგენტინის რესპუბლიკის დედაქალაქის ბუენოს-აირესის სახელის მინიჭების შესახებ

მოისმინეს: თინათინ ნიბლოშვილმა კომისიის სხდომაზე დღის წესრიგით გათვალისწინებული საკითხი წარმოადგინა და საგარეო საქმეთა მინისტრის მოადგილის ხათუნა თოთლაძის წერილის საფუძველზე ზემოაღნიშნულ სახელდებასთან დაკავშირებით ისაუბრა.

საქართველო-არგენტინას შორის 25 წლიანი დიპლომატიური ურთიერთობების და იმ ფაქტის გათვალისწინებით, რომ არგენტინის რესპუბლიკა იყო ერთ-ერთი პირველი ქვეყანა, რომელმაც ცნო საქართველოს 1918-1921 წლების დამოუკიდებლობა, კომისიის წვრებმა მიზანშეწონილად

მიიჩნიეს და მხარი დაუჭირეს უსახელო სკვერისთვის ბუენოს-აირესის სახელის მინიჭებას.

თინათინ ნიბლოშვილმა კომისიის წევრებს მიაწოდა ინფორმაცია, რომ არგენტინის რესპუბლიკის ელჩთან ხულიან ლუის ტეტამანტისთან და არგენტინის რესპუბლიკის იუსტიციის მინისტრთან ხერმან გარავანოსთან ერთად მოხდა სკვერის მონახულება. მისი განმარტებით, ნაცვალგების პრინციპის საფუძველზე, არგენტინის მხარე მზადაა ბუენოს-აირესში ერთ-ერთ ქუჩას ან სკვერს მიანიჭოს თბილისის სახელი.

სხდომის თავმჯდომარემ კენჭისყრაზე დააყენა დღის წესრიგით გათვალისწინებული მეორე საკითხი.

მომხრე - ხუთი.

წინააღმდეგი - არცერთი.

თავი შეიკავა - არცერთი.

გადაწყვიტეს: ქ.თბილისში, დიდუბის რაიონში, აკაკი წერეთლის გამზირსა და ალექსი გოგოლაურის ქუჩასთან არსებულ უსახელო სკვერს მიენიჭოს არგენტინის რესპუბლიკის დედაქალაქის ბუენოს-აირესის სახელი.

3. ქ.თბილისში, ჩუღურეთის რაიონში, ტარას კვარაცხელიას ქუჩასთან არსებული ორი უსახელო შესახვევისთვის ტარას კვარაცხელიას სახელის მინიჭების შესახებ

მოისმინეს: კომისიის სხდომაზე საქართველოს იუსტიციის სამინისტროს „საჯარო რეესტრის ეროვნული სააგენტოს“ სამისამართო სამსახურის უფროსის მ/შ ნინო ბახიას წერილი განიხილეს, რომელიც მოქალაქე მაია გოგინაშვილის მიმართვის საფუძველზე ითხოვს ჩუღურეთის რაიონში, მითითებული საკადასტრო ერთეულის მიხედვით ტერიტორიის სახელდებას.

როგორც თინათინ ნიბლოშვილმა აღნიშნა, უსახელო ტერიტორია მდებარეობს ტარას კვარაცხელიას ქუჩასთან და ქალაქგეგმარებითი თვალსაზრისით წარმოადგენს ქუჩის უსახელო შესახვევს, ქუჩასთან

განვითარებულია კიდევ ერთი უსახელო შესახვევი. ამ შემთხვევაშიც, ტრადიციულად უსახელო შესახვევს ძირითადი ქუჩის სახელი მიენიჭება. სხდომის თავმჯდომარემ კენჭისყრაზე დააყენა დღის წესრიგით გათვალისწინებული მესამე საკითხი.

მომხრე - ხუთი.

წინააღმდეგი - არცერთი.

თავი შეიკავა - არცერთი.

გადაწყვიტეს: ქ.თბილისში, ჩუღურეთის რაიონში, ტარას კვარაცხელიას ქუჩასთან არსებულ ორ უსახელო შესახვევს მიენიჭოს ტარას კვარაცხელიას სახელი.

4. ქ.თბილისში, გლდანის რაიონში, სოფელ გლდანში, რუსთაველის ქუჩისთვის და მასთან არსებული I ჩიხისთვის შოთა რუსთაველის სახელის მინიჭების შესახებ

მოისმინეს: თინათინ ნიბლოშვილის ინფორმაციით, ქ. თბილისის საკრებულომ 2011 წლის 30 სექტემბრის N63 დადგენილების თანახმად, გლდანი-ნაძალადევის რაიონში, ე.წ.სოფელ გლდანის დასახლებაში მდებარე უსახელო ქუჩას (პირობითად მე-14 ქუჩა) და მასთან არსებულ ჩიხს მიანიჭა რუსთაველის სახელი.

დედაქალაქში სისტემური ნუმერაციის და აბრების მონტაჟის პროცესში გაირკვა, რომ ქუჩის სახელწოდება არასრულია. კომისიამ მიიღო ქუჩისთვის სრული, შოთა რუსთაველის სახელის მინიჭების გადაწყვეტილება, რათა აღნიშნული სახელწოდებით მოხდეს აბრების განთავსება.

სხდომის თავმჯდომარემ კენჭისყრაზე დააყენა დღის წესრიგით გათვალისწინებული მეოთხე საკითხი.

მომხრე - ხუთი.

წინააღმდეგი - არცერთი.

თავი შეიკავა - არცერთი.

გადაწყვიტეს: ქ.თბილისში, გლდანის რაიონში, სოფელ გლდანში, რუსთაველის ქუჩას და მასთან არსებულ I ჩიხს მიენიჭოს შოთა რუსთაველის სახელი.

5. ქ.თბილისში, სოფელ წავკისში, დიდგორის ქუჩასთან არსებული უსახელო გასასვლელისთვის დიდგორის I გასასვლელის სახელის მინიჭების შესახებ

სხდომის თავმჯდომარემ კენჭისყრაზე დააყენა დღის წესრიგით გათვალისწინებული მეხუთე საკითხი.

მომხრე - ხუთი.

წინააღმდეგი - არცერთი.

თავი შეიკავა - არცერთი.

გადაწყვიტეს: ქ.თბილისში, სოფელ წავკისში, დიდგორის ქუჩასთან არსებულ უსახელო გასასვლელს მიენიჭოს დიდგორის I გასასვლელის სახელი.

6. ქ.თბილისში, ელიას მთის ქუჩასთან არსებული ჩიხისთვის ელიას მთის I ჩიხის სახელის მინიჭების შესახებ

მოისმინეს: თინათინ ნიბლოშვილმა განსახილველად მოქალაქე გივი ბუთხუზის განცხადება წარმოადგინა. მითითებული საკადასტრო ერთეულის მიხედვით ტერიტორიის შესწავლის შემდეგ გაირკვა, რომ უსახელო გეოგრაფიული ობიექტი მდებარეობს ელიას მთის ქუჩასთან და ქალაქგეგმარებითი თვალსაზრისით წარმოადგენს ქუჩის უსახელო ჩიხს.

სხდომის თავმჯდომარემ კენჭისყრაზე დააყენა უსახელო ჩიხისთვის ძირითადი ქუჩის (ელიას მთის ქუჩა) სახელის მინიჭების საკითხი.

მომხრე - ხუთი.

წინააღმდეგი - არცერთი.

თავი შეიკავა - არცერთი.

გადაწყვიტეს: ქ.თბილისში, ელიას მთის ქუჩასთან არსებულ ჩიხს მიენიჭოს ელიას მთის I ჩიხის სახელი.

7. ქ.თბილისში, საბურთალოს რაიონში, ჭანდრის ქუჩის გაგრძელების შესახებ

მოისმინეს: კომისიის სხდომაზე მოქალაქე თამარ ჭავჭავანიძის განცხადებასთან დაკავშირებით იმსჯელეს, რომლითაც მითითებული საკადასტრო ერთეულის მიხედვით ითხოვს ჭანდრის ქუჩის გაგრძელებას. საკითხის და ტერიტორიის შესწავლის პროცესში გაირკვა, რომ ქალაქგეგმარებითი თვალსაზრისით შესაძლებელია აღნიშნული ქუჩის გაგრძელება.

სხდომის თავმჯდომარემ კენჭისყრაზე დააყენა დღის წესრიგით გათვალისწინებული მეშვიდე საკითხი

მომხრე - ხუთი.

წინააღმდეგი - არცერთი.

თავი შეიკავა - არცერთი.

გადაწყვიტეს: ქ.თბილისში, საბურთალოს რაიონში, გაგრძელდეს ჭანდრის ქუჩა.

8. ქ.თბილისში, დიდუბის რაიონში, დიდუბის II შესახვევისთვის ალექსი გოგოლაურის I შესახვევის სახელის მინიჭების შესახებ

მოისმინეს: თინათინ ნიბლოშვილის განმარტებით, 2007 წელს ქ. თბილისის საკრებულომ დიდუბის ქუჩას მიანიჭა ფეხბურთელ დავით ყიფიანის სახელი, ხოლო დიდუბის III შესახვევი 60-იანი წლებიდან ალექსი გოგოლაურის სახელს ატარებს. ხსენებული ქუჩები ერთმანეთისგან დამოუკიდებელი ქუჩებია. დიდუბის II შესახვევს კი არანაირი კავშირი არ აქვს დიდუბის ქუჩასთან. იგი მდებარეობს ალექსი გოგოლაურის ქუჩის მიმდებარედ და ქალაქგეგმარებითი თვალსაზრისით წარმოადგენს მის შესახვევს.

სხდომის თავმჯდომარემ კენჭისყრაზე დააყენა დღის წესრიგით გათვალისწინებული მერვე საკითხი

მომხრე - ხუთი.

წინააღმდეგი - არცერთი.

თავი შეიკავა - არცერთი.

გადაწყვიტეს: ქ.თბილისში, დიდუბის რაიონში, დიდუბის II შესახვევს მიენიჭოს ალექსი გოგოლაურის I შესახვევის სახელი.

9. ქ.თბილისში, ვაკის რაიონში, ჯურხა ნადირაძის ქუჩასთან არსებული უსახელო შესახვევისთვის ჯურხა ნადირაძის I შესახვევის სახელის მინიჭების შესახებ

მოისმინეს: კომისიის სხდომაზე ჯურხა ნადირაძის ქუჩასთან განვითარებული უსახელო შესახვევის სახელდების საკითხი განიხილეს. უსახელო გეოგრაფიული ობიექტის სახელდების მოთხოვნით კი საქართველოს იუსტიციის სამინისტროს „საჯარო რეესტრის ეროვნული სააგენტოს“ სამისამართო სამსახურს მოქალაქე თამარ მიქაუტაძემ მიმართა.

სხდომის თავმჯდომარემ კენჭისყრაზე დააყენა დღის წესრიგით გათვალისწინებული მეცხრე საკითხი.

მომხრე - ხუთი.

წინააღმდეგი - არცერთი.

თავი შეიკავა - არცერთი.

გადაწყვიტეს: ქ.თბილისში, ვაკის რაიონში, ჯურხა ნადირაძის ქუჩასთან არსებულ უსახელო შესახვევს მიენიჭოს ჯურხა ნადირაძის I შესახვევის სახელი.

10. ქ.თბილისში, სამგორის რაიონში, ჯავახეთის ქუჩასთან მდებარე უსახელო ქუჩისთვის ისტორიკოსის, აკადემიკოს გიორგი მელიქიშვილის სახელის მინიჭების შესახებ

მოისმინეს: თინათინ ნიბლოშვილმა კომისიის სხდომაზე საქართველოს მეცნიერებათა ეროვნული აკადემიის ვიცე-პრეზიდენტის როინ მეტრეველის წერილი წარმოადგინა, რომლითაც ითხოვს თბილისის ერთ-ერთი ქუჩისთვის ისტორიკოსის გიორგი მელიქიშვილის სახელის მინიჭებას.

სხდომაზე კომისიის თავმჯდომარის სახელზე შემოსული მოქალაქე ივერი ფოლადაშვილის წერილიც განიხილეს. წერილს საქართველოს იუსტიციის სამინისტროს „საჯარო რეესტრის ეროვნული სააგენტოს“ სამისამართო სამსახურის უფროსის მ/შ ნინო ბახია გვიგზავნის. მოქალაქე ივერი ფოლადაშვილი მითითებული საკადასტრო ერთეულის მიხედვით ითხოვს უსახელო ქუჩის სახელდებას.

კომისიის წევრებმა ისტორიკოსის, საქართველოს მეცნიერებათა აკადემიის აკადემიკოსის, მეცნიერების დამსახურებული მოღვაწის, საქართველოს მეცნიერებათა აკადემიის ივანე ჯავახიშვილის სახელობის ისტორიის, არქეოლოგიისა და ეთნოგრაფიის ინსტიტუტის დირექტორის, პროფესორის გიორგი მელიქიშვილის ბიოგრაფიაზე ვრცლად ისაუბრეს. საჯარო განხილვას ესწრებოდა როინ მეტრეველი. როგორც მან აღნიშნა „გიორგი მელიქიშვილი იყო ივანე ჯავახიშვილის სკოლის გამგრძელებელი და უდიდესი მეცნიერი“. კომისიის წევრებმა ერთხმად მიზანშეწონილად მიიჩნიეს დედაქალაქში გიორგი მელიქიშვილის სახელობის ქუჩის არსებობა.

სხდომის თავმჯდომარემ კენჭისყრაზე დააყენა დღის წესრიგით გათვალისწინებული მეათე საკითხი

მომხრე - ხუთი.

წინააღმდეგი - არცერთი.

თავი შეიკავა - არცერთი.

გადაწყვიტეს: ქ.თბილისში, სამგორის რაიონში, ჯავახეთის ქუჩასთან მდებარე უსახელო ქუჩას მიენიჭოს ისტორიკოსის, აკადემიკოს გიორგი მელიქიშვილის სახელი.

11. ქ.თბილისში, საბურთალოს რაიონში, კონსტანტინე გამსახურდიას ქუჩასთან მდებარე უსახელო ქუჩისთვის ისტორიკოსის, აკადემიკოს მარიამ ლორთქიფანიძის სახელის მინიჭების შესახებ

მოისმინეს: თინათინ ნიბლოშვილმა აღნიშნა, რომ დღევანდელი სხდომა მნიშვნელოვანია თბილისის ქუჩებისთვის იმ საზოგადო მოღვაწეთა სახელების მინიჭებით, რომელთაც მნიშვნელოვანი კვალი დატოვეს ქვეყნის ისტორიაში. მათ შორისაა გამოჩენილი მეცნიერი, საზოგადო მოღვაწე და პედაგოგი, ისტორიის მეცნიერებათა დოქტორი, პროფესორი, აკადემიკოსი მარიამ ლორთქიფანიძე.

თბილისის ერთ-ერთი ქუჩისთვის მარიამ ლორთქიფანიძის სახელის მინიჭების მოთხოვნით კომისიას საქართველოს მეცნიერებათა ეროვნული აკადემიის ვიცე-პრეზიდენტმა, აკადემიკოსმა როინ მეტრეველმა მიმართა. როგორც მან აღნიშნა, ილია II მარიამ ლორთქიფანიძეს „საქართველოს დედა“ უწოდა.

მარიკა დარჩიას თქმით, მარიამ ლორთქიფანიძე იყო ძალიან საინტერესო ადამიანი, რომ აღარაფერი ითქვას მის ღვაწლსა და დამსახურებაზე, და საერთოდ, „მოხარული ვარ, რომ ქალბატონების, მით უმეტეს ასეთი ღვაწლმოსილი ქალბატონების სახელები შეემატება თბილისის ქუჩებს“- აღნიშნა მარიკა დარჩიამ.

მარიამ ლორთქიფანიძის ოჯახთან კონსულტაციების შემდეგ, სახელდებისთვის შერჩეულ იქნა კონსტანტინე გამსახურდიას ქუჩასთან მდებარე უსახელო ქუჩა საბურთალოს რაიონში.

საჯარო განხილვას ესწრებოდა გიორგი ოთხმეზური. მან მადლობა გადაუხადა კომისიას მარიამ ლორთქიფანიძის ღვაწლის კიდევ ერთხელ დაფასებისთვის.

სხდომის თავმჯდომარემ კენჭისყრაზე დააყენა დღის წესრიგით გათვალისწინებული მეთერთმეტე საკითხი

მომხრე - ხუთი.

წინააღმდეგი - არცერთი.

თავი შეიკავა - არცერთი.

გადაწყვეტეს: ქ.თბილისში, საბურთალოს რაიონში, კონსტანტინე გამსახურდიას ქუჩასთან მდებარე უსახელო ქუჩას მიენიჭოს ისტორიკოსის, აკადემიკოს მარიამ ლორთქიფანიძის სახელი.

12. ქ. თბილისში, საბურთალოს რაიონში, ლისის ქუჩასთან მდებარე უსახელო ქუჩისთვის და მასთან არსებული ცხრა შესახვევისთვის მედიცინის მეცნიერებათა დოქტორის ფრიდონ თოდუას სახელის მინიჭების შესახებ

მოისმინეს: თინათინ ნიბლოშვილის ინფორმაცია დღის წესრიგით გათვალისწინებულ მეთორმეტე საკითხთან დაკავშირებით.

როგორც სხდომის თავმჯდომარემ აღნიშნა, სამწუხაროდ დღევანდელ საჯარო განხილვაზე არ მოხდება აღნიშნული საკითხის განხილვა, ვინაიდან აზრთა სხვადასხვაობის გამო ვერ მოხერხდა ფრიდონ თოდუას ოჯახთან საერთო პოზიციაზე შეჯერება. კომისია გააგრძელებს კონსულტაციებს ოჯახთან და შეთანხმების შემთხვევაში, სამომავლოდ სხვაგან, სხვა უსახელო გეოგრაფიული ობიექტისთვის მოხდება პროფესორ ფრიდონ თოდუას სახელის მინიჭება.

სხდომის თავმჯდომარემ კენჭისყრაზე დააყენა მეთორმეტე საკითხის დღის წესრიგიდან მოხსნის შუამდგომლობა.

მომხრე - ხუთი.

წინააღმდეგი - არცერთი.

თავი შეიკავა - არცერთი.

გადაწყვეტეს: ქ.თბილისში, საბურთალოს რაიონში, ლისის ქუჩასთან მდებარე უსახელო ქუჩისთვის და მასთან არსებული ცხრა შესახვევისთვის მედიცინის მეცნიერებათა დოქტორის ფრიდონ თოდუას სახელის მინიჭების შესახებ საკითხი ამოღებული იქნას სხდომის დღის წესრიგიდან.

13. ქ. თბილისში, მთაწმინდის რაიონში, ოქროყანაში, სატყეოს ქუჩასთან მდებარე უსახელო ქუჩისთვის და მასთან არსებული შესახვევისთვის ფილოლოგის, აკადემიკოს ელენე მეტრეველის სახელის მინიჭების შესახებ

მოისმინეს: სხდომაზე კომისიის წევრებმა სსიპ კორნელი კეკელიძის სახელობის საქართველოს ხელნაწერთა ეროვნული ცენტრის დირექტორის წერილი განიხილეს, რომლითაც ითხოვს თბილისის ერთ-ერთი ქუჩისთვის აკადემიკოს ელენე მეტრეველის სახელის მინიჭებას.

კომისიის სხდომაზე ელენე მეტრეველის ბიოგრაფიაზე ვრცლად ისაუბრეს. იგი არის 100-ზე მეტი სამეცნიერო ნაშრომის ავტორი, მათ შორის რამდენიმე მონოგრაფიისა, რომლებშიც განხილულია VII-XVIII საუკუნეების ქართული მწერლობის უმნიშვნელოვანესი საკითხები. 1968 წლიდან ელენე მეტრეველი ორი ათეული წლის განმავლობაში ხელმძღვანელობდა კორნელი კეკელიძის სახელობის ხელნაწერთა ინსტიტუტს.

„ელენე მეტრეველი გახლდათ უდიდესი მეცნიერი, იკვლევდა VIII-XIX საუკუნეების ქართულ მწერლობას. მას განსაკუთრებული წვლილი მიუძღვის ქართული სასულიერო პოეზიის საკითხების შესწავლაში“- აღნიშნა როინ მეტრეველმა.

კომისიის წევრებმა იმსჯელეს და საკითხს დადებითი რეკომენდაცია გაუწიეს.

სხდომის თავმჯდომარემ კენჭისყრაზე დააყენა დღის წესრიგით გათვალისწინებული მეცამეტე საკითხი.

მომხრე - ხუთი.

წინააღმდეგი - არცერთი.

თავი შეიკავა - არცერთი.

გადაწყვიტეს: ქ.თბილისში, მთაწმინდის რაიონში, ოქროყანაში, სატყეოს ქუჩასთან მდებარე უსახელო ქუჩას და მასთან არსებულ შესახვევს მიენიჭოს ფილოლოგის, აკადემიკოს ელენე მეტრეველის სახელი.

14. ქ.თბილისში, საბურთალოს რაიონში, საირმის ქუჩასთან არსებული უსახელო სკვერისთვის მუსიკოსის ოთარ რამიშვილის სახელის მინიჭების შესახებ

15. ქ.თბილისში, საბურთალოს რაიონში, ადამ მიცკევიჩის ქუჩის შესახვევისთვის მუსიკოსის ოთარ რამიშვილის სახელის მინიჭების შესახებ

მოისმინეს: თინათინ ნიბლოშვილმა სხდომაზე მოქალაქე მიხეილ რამიშვილის წერილთან დაკავშირებით ისაუბრა და აღნიშნა, რომ თბილისი იცნობს ქალაქის არაერთ კოლორიტ პიროვნებას, რომელიც არასდროს არ დაავიწყდება მრავალი თაობის თბილისელს. მათ შორისაა ოთარ რამიშვილი,

სხდომის თავმჯდომარის განცხადებით, კომისიის სამდივნომ ადგილზე მოახდინა იმ ტერიტორიის დათვალიერება, რომლის სახელდებასაც განმცხადებელი მიხეილ რამიშვილი მოქალაქეთა ჯგუფთან ერთად ითხოვს.

გამომდინარე იქიდან, რომ ადამ მიცკევიჩის ქუჩასთან არსებული შესახვევი ჩამოყალიბდა დამოუკიდებელ ქუჩად, შესაძლებელია მისი, როგორც უსახელო ქუჩის სახელდება. თინათინ ნიბლოშვილმა ასევე მზაობა გამოთქვა, რომ საირმის ქუჩასთან არსებულ უსახელო სკვერს მიენიჭოს ოთარ რამიშვილის სახელი.

აზრი გამოთქვეს: მიხეილ რამიშვილმა, რომელიც საჯარო განხილვას ესწრებოდა, მაღლობა გადაუხადა კომისიას მხარდაჭერისთვის და აღნიშნა, რომ მომავალში სკვერში არაერთი საინტერესო ღონისძიების დაგეგმვა და გამართვა შეიძლება.

სხდომის თავმჯდომარემ კენჭისყრაზე დააყენა დღის წესრიგით გათვალისწინებული მეთოთხმეტე და მეთხუთმეტე საკითხები.

მომხრე - ხუთი.

წინააღმდეგი - არცერთი.

თავი შეიკავა - არცერთი.

გადაწყვიტეს: ქ.თბილისში, საბურთალოს რაიონში, საირმის ქუჩასთან არსებულ უსახელო სკვერს მიენიჭოს მუსიკოსის ოთარ რამიშვილის სახელი.

ქ.თბილისში, საბურთალოს რაიონში, ადამ მიცკევიჩის ქუჩის შესახვევს მიენიჭოს მუსიკოსის ოთარ რამიშვილის სახელი.

16. ქ.თბილისში, ვაკის რაიონში, ბაგებში, ნუშის ბაღების ქუჩასთან მდებარე უსახელო ქუჩისთვის კინორეჟისორის დიმიტრი (დიმა) ბათიაშვილის სახელის მინიჭების შესახებ

მოისმინეს: თინათინ ნიბლოშვილმა დღის წესრიგით გათვალისწინებული მეთექვსმეტე საკითხი წარმოადგინა და მოქალაქე ირაკლი ბათიაშვილის წერილთან დაკავშირებით ისაუბრა, რომლითაც ითხოვს თბილისის რომელიმე ქუჩისთვის კინორეჟისორის დიმიტრი (დიმა) ბათიაშვილის სახელის მინიჭებას.

კომისიაში ასევე შემოსულია მოქალაქე კახა მეტრეველის წერილი, რომელსაც ბაგებში უსახელო ქუჩის სახელდების მოთხოვნით საქართველოს იუსტიციის სამინისტროს „საჯარო რეესტრის ეროვნული სააგენტოს“ სამისამართო სამსახურის უფროსის მ/შ ნინო ბახია გვიგზავნის.

თინათინ ნიბლოშვილის ინფორმაციით, ტერიტორია, რომლის სახელდებასაც მოქალაქე ითხოვს, მართლაც უსახელოა და მდებარეობს ბაგებში, ნუშის ბაღების ქუჩასთან.

სხდომაზე ცნობილი კინორეჟისორის დიმიტრი (დიმა) ბათიაშვილის ბიოგრაფიაზე ვრცლად ისაუბრეს. გაიხსენეს მის მიერ გადაღებული არაერთი ფილმი, მათ შორის „არასერიოზული კაცი“, რომელსაც 1981 წელს ერევნის სატელევიზიო ფილმების IX საკავშირო კინოფესტივალზე მიღებული აქვს სამი პრიზი.

აზრი გამოთქვას: ირაკლი ბათიაშვილმა, რომელიც დღის წესრიგით წარმოდგენილი საკითხების საჯარო განხილვას ესწრებოდა, მადლობა გადაუხადა კომისიას და აღნიშნა, რომ მისთვის და საერთოდ ბათიაშვილების ოჯახისთვის აღნიშნული გადაწყვეტილება ძალიან მნიშვნელოვანია, გამომდინარე იქიდან, რომ მან დაკარგა არა მარტო მამა და დიდი მეგობარი, არამედ სულიერად მდიდარი ადამიანი, რომელიც უზომოდ იყო შეყვარებული თავის ქალაქზე.

სხდომის თავმჯდომარემ კენჭისყრაზე დააყენა დღის წესრიგით გათვალისწინებული მეთექვსმეტე საკითხი.

მომხრე - ხუთი.

წინააღმდეგი - არცერთი.

თავი შეიკავა - არცერთი.

გადაწყვიტეს: ქ.თბილისში, ვაკის რაიონში, ბაგებში, ნუშის ბაღების ქუჩასთან მდებარე უსახელო ქუჩას მიენიჭოს კინორეჟისორის დიმიტრი (დიმა) ბათიაშვილის სახელი.

17. ქ. თბილისში, ჩუღურეთის რაიონში, მერაბ მამარდაშვილის ქუჩასთან არსებული უსახელო სკვერისთვის ცხინვალის რეგიონში საომარი მოქმედებების დროს დაღუპული მებრძოლის გიორგი ქარაიას სახელის მინიჭების შესახებ

მოისმინეს: სხდომის თავმჯდომარემ ქ. თბილისის მუნიციპალიტეტის საკრებულოს ჩუღურეთის რაიონის მაჟორიტარი წევრის რიმა ბერაძის შუამდგომლობით წერილთან დაკავშირებით ისაუბრა და აღნიშნა, რომ კომისია რეგულარულად ახორციელებს დედაქალაქის ქუჩებისთვის ომში დაღუპული მებრძოლების სახელების მინიჭებას. გამონაკლისი არც დღევანდელი სხდომა არ არის.

კომისიის წევრებმა რიმა ბერაძესთან ერთად გიორგი ქარაიასთან დაკავშირებული საბრძოლო მოკვლევა განიხილეს, რომელიც ვეტერანების საქმეთა სახელმწიფო სამსახურის თანამშრომელმა ზაირა მიქატაძემ წარმოადგინა. სახელდებისთვის შერჩეულ იქნა უსახელო სკვერი მერაბ მამარდაშვილის ქუჩასთან ჩუღურეთის რაიონში, სადაც ქარაიების ოჯახი წლების მანძილზე ცხოვრობდა.

აზრი გამოთქვეს: გულნაზ ქარაიამ, მადლობა გადაუხადა ჩუღურეთის რაიონის მაჟორიტარ წევრს რიმა ბერაძეს შუამდგომლობისთვის და კომისიას მხარდაჭერისთვის. თავის მხრივ, რიმა ბერაძემ აღნიშნა, რომ მას შემდეგ, რაც საკრებულო მიიღებს საბოლოო გადაწყვეტილებას სახელდებასთან დაკავშირებით, მაჟორიტარის ჩართულობით და ჩუღურეთის რაიონის გამგეობის მხარდაჭერით, მოხდება სკვერის კეთილმოწყობა და გახსნა.

სხდომის თავმჯდომარემ კენჭისყრაზე დააყენა დღის წესრიგით გათვალისწინებული მეჩვიდმეტე საკითხი.

მომხრე - ხუთი.

წინააღმდეგი - არცერთი.

თავი შეიკავა - არცერთი.

გადაწყვიტეს: ქ.თბილისში, ჩუღურეთის რაიონში, მერაბ მამარდაშვილის ქუჩასთან არსებულ უსახელო სკვერს მიენიჭოს ცხინვალის რეგიონში საომარი მოქმედებების დროს დაღუპული მეზრძოლის გიორგი ქარაიას სახელი.

18. ქ. თბილისში, სამგორის რაიონში, ნავთლულის II დასახლებაში III ქუჩისთვის, IV ქუჩის მონაკვეთისთვის და მასთან არსებული სამი შესახვევისთვის ბიოლოგის, აკადემიკოს ლეონიდე (ლეო) გაბუნიას სახელის მინიჭების შესახებ

მოისმინეს: თინათინ ნიბლოშვილმა კომისიის წევრებს და სხდომაზე დამსწრე მოქალაქეებს საქართველოს მეცნიერებათა ეროვნული აკადემიის აკადემიკოს-მდივნის ირაკლი ჟორდანიას წერილი გააცნო, რომლითაც მეცნიერებათა ეროვნული აკადემია ითხოვს თბილისის ერთ-ერთ ქუჩას მიენიჭოს აკადემიკოს ლეონიდე (ლეო) გაბუნიას სახელი.

სხდომაზე ლეო გაბუნიას ბიოგრაფიაზე ისაუბრეს. როინ მეტრეველმა აღნიშნა, რომ „მან, როგორც პალეობიოლოგმა დიდი წვლილი შეიტანა ქართული მეცნიერების განვითარების საქმეში. მის სახელთანაა დაკავშირებული მსოფლიო მნიშვნელობის დმანისის ადამიანის აღმოჩენა“.

თინათინ ნიბლოშვილმა აღნიშნა, რომ საქართველოს იუსტიციის სამინისტროს „საჯარო რეესტრის ეროვნული სააგენტოს“ სამისამართო სამსახურმა ძველი ქალაქგეგმარებითი ხარვეზის გასწორების მოთხოვნით მოგვმართა, აღნიშნულის აღმოფხვრით კი კიდევ ერთი მოქალაქის პრობლემა მოგვარდება, რომელიც მითითებული საკადასტრო ერთეულის მიხედვით ითხოვს სამგორის რაიონში უსახელო ქუჩის სახელდებას.

სხდომის თავმჯდომარემ კენჭისყრაზე დააყენა დღის წესრიგით გათვალისწინებული მეთვრამეტე საკითხი.

მომხრე - ხუთი.

წინააღმდეგი - არცერთი.

თავი შეიკავა - არცერთი.

გადაწყვეტეს: ქ.თბილისში, სამგორის რაიონში, ნავთლულის II დასახლებაში III ქუჩას, IV ქუჩის მონაკვეთს და მასთან არსებულ სამ შესახვევს მიენიჭოს ბიოლოგის, აკადემიკოს ლეონიდე (ლეო) გაბუნიას სახელი.

19. ქ. თბილისში, საბურთალოს რაიონში, ვარდენ წულუკიძის ქუჩასთან მდებარე უსახელო ქუჩისთვის და მასთან არსებული ერთი გასასვლელისთვის ფოლკლორისტის, ლოტბარ ფილიმონ ქორიძის სახელის მინიჭების შესახებ

მოისმინეს: თინათინ ნიბლოშვილმა დედაქალაქის ერთ-ერთი ქუჩისთვის საოპერო ხელოვნების ერთ-ერთი ფუძემდებლის ფილიმონ ქორიძის სახელის მინიჭებასთან დაკავშირებით ისაუბრა. წერილს ქ.თბილისის მუნიციპალიტეტის მერიის კულტურის, განათლების, სპორტისა და ახალგაზრდულ საქმეთა საქალაქო სამსახურის უფროსი ირაკლი გვილავა გვიგზავნის.

უსახელო გეოგრაფიული ობიექტის სახელდების მოთხოვნით კომისიის თავმჯდომარის სახელზე შემოსული მოქალაქე ნოდარ მისრიაშვილის განცხადებაც განიხილეს. მითითებული საკადასტრო ერთეულის მიხედვით ტერიტორია მდებარეობს საბურთალოს რაიონში, ვარდენ წულუკიძის ქუჩასთან.

სხდომაზე ფილიმონ ქორიძის ბიოგრაფიაზე ამომწურავად ისაუბრეს. ფილიმონ ქორიძე იყო პირველი ქართველი მუსიკოსი, ვინც ქართული მრავალხმიანობა ნოტებზე გადაიტანა. ეკლესიისა და სამშობლოს წინაშე გაწეული ღვაწლისა და თავდადებისთვის, საქართველოს ეკლესიის წმინდა სინოდმა, 2011 წლის 20 დეკემბერს ფილიმონ ქორიძე შერაცხა წმინდანთა დასში.

აზრი გამოთქვას: რიმა ბერაძის ინფორმაციით, შეკვეთილში არსებულ მინიატურების პარკში განთავსებულია ფილიმონ ქორიძის ბიუსტი, ასევე მისი სახელობის მუზეუმი ფუნქციონირებს ოზურგეთში და ჩოხატაურში არსებობს ფილიმონ ქორიძის სახელობის სკვერი.

სხდომაზე საკითხების საჯარო განხილვას ესწრებოდა ნოდარ მისრიაშვილი. მან მადლობა გადაუხადა კომისიას მხარდაჭერისთვის. თინათინ ნიბლოშვილმა მას დამისამართების შემდგომი პროცედურების შესახებ განუმარტა.

სხდომის თავმჯდომარემ კენჭისყრაზე დააყენა დღის წესრიგით გათვალისწინებული მეცხრამეტე საკითხი.

მომხრე - ხუთი.

წინააღმდეგი - არცერთი.

თავი შეიკავა - არცერთი.

გადაწყვიტეს: ქ.თბილისში, საბურთალოს რაიონში, ვარდენ წულუკიძის ქუჩასთან მდებარე უსახელო ქუჩას და მასთან არსებულ ერთ გასასვლელს მიენიჭოს ფოლკლორისტის, ლოტბარ ფილიმონ ქორიძის სახელი.

20. ქ. თბილისში, საბურთალოს რაიონში, ილია აბულაძის ქუჩის გაგრძელების შესახებ

მოისმინეს: თინათინ ნიბლოშვილმა აღნიშნა, რომ მოქალაქე ნატო სამანიშვილის განცხადებაში მითითებული საკადასტრო ერთეულის მიხედვით, უსახელო გეოგრაფიული ობიექტი მდებარეობს ილია აბულაძის ქუჩასთან და ქალაქგეგმარებითი თვალსაზრისით შესაძლებელია მისი გაგრძელება.

სხდომის თავმჯდომარემ კენჭისყრაზე დააყენა დღის წესრიგით გათვალისწინებული მეოცე საკითხი.

მომხრე - ხუთი.

წინააღმდეგი - არცერთი.

თავი შეიკავა - არცერთი.

გადაწყვიტეს: ქ.თბილისში, საბურთალოს რაიონში, გაგრძელდეს ილია აბულაძის ქუჩა.

21. ქ. თბილისში, დიდუბის რაიონში, აკაკი ბელიაშვილის ქუჩასთან არსებულ უსახელო ჩიხისთვის აკაკი ბელიაშვილის IV ჩიხის სახელის მინიჭების შესახებ

მოისმინეს: თინათინ ნიბლოშვილმა სხდომაზე კიდევ ერთხელ განმარტა, რომ იქ სადაც ძირითადი ქუჩა უკვე სახელდებულია და ქუჩასთან ტერიტორიის განაშენიანების შედეგად განვითარდა შესახვევი, გასასვლელი ან ჩიხი, განვითარებულ უსახელო ტერიტორიას კომისიის გადაწყვეტილებით მიენიჭება ძირითადი ქუჩის სახელი.

სხდომის თავმჯდომარემ კენჭისყრაზე დააყენა დღის წესრიგით გათვალისწინებული ოცდამეერთე საკითხი.

მომხრე - ხუთი.

წინააღმდეგი - არცერთი.

თავი შეიკავა - არცერთი.

გადაწყვიტეს: ქ.თბილისში, დიდუბის რაიონში, აკაკი ბელიაშვილის ქუჩასთან არსებულ უსახელო ჩიხს მიენიჭოს აკაკი ბელიაშვილის IV ჩიხის სახელი.

22. ქ. თბილისში, მთაწმინდის რაიონში, ზვიად გამსახურდიას სანაპიროსთან მდებარე უსახელო ქუჩისთვის ფილოსოფოსის, აკადემიკოს ბაჩანა ბრეგვაძის სახელის მინიჭების შესახებ

მოისმინეს: თინათინ ნიბლოშვილის ინფორმაციით, კომისიაში შემოსულია ქ. თბილისის მუნიციპალიტეტის მერის კახა კალაძის წერილი, რომლითაც ის შუამდგომლობს მოქალაქე ანა ბრეგვაძეს, რათა თბილისის ერთ-ერთ ქუჩას მიენიჭოს ფილოსოფოსის, მთარგმნელის, საქართველოს ეროვნული აკადემიის აკადემიკოსის, ფილოსოფიის მეცნიერებათა დოქტორის, თბილისის საპატოო მოქალაქის, პროფესორ ბაჩანა ბრეგვაძის სახელი.

სხდომაზე ბაჩანა ბრეგვაძის ბიოგრაფიაზე და მოღვაწეობაზე ისაუბრეს. პიროვნება, რომელმაც იცხოვრა ჩუმად და უხმაუროდ, შექმნა უდიდესი კულტურული სიმდიდრე. მისი წყალობით საქართველოს მოსახლეობას დღეს

აქვს საშუალება უმნიშვნელოვანესი ავტორების ფილოსოფიურ და მხატვრულ ნააზრევებს მშობლიურ ენაზე გაეცნონ.

თინათინ ნიბლოშვილმა ქალაქ თბილისის მუნიციპალიტეტის ადმინისტრაციულ საზღვრებში მდებარე გეოგრაფიული ობიექტების სახელდების წესის შესახებ განმარტება გააკეთა. როგორც მან აღნიშნა, 2015 წლის 16 ივნისის დადგენილება N14-59-ის მე-7 მუხლის პირველი პუნქტის თანახმად, სახელმწიფო და საზოგადო მოღვაწესთან დაკავშირებული სახელდება დასაშვებია ამ პირის გარდაცვალებიდან არანაკლებ 20 წლის გასვლის შემდეგ, თუმცა ამავე მუხლში განმარტებულია გამონაკლისი შემთხვევები, როდესაც მუნიციპალიტეტის საკრებულოს თავმჯდომარეს აქვს ინიცირების უფლება. ბაჩანა ბრეგვაძის და დღევანდელ სხდომაზე წარმოდგენილი დღის წესრიგით გათვალისწინებული რამდენიმე საკითხის ინიცირება საკრებულოს თავმჯდომარეს, გიორგი ტყემალაძეს ეკუთვნის. „სწორედ ამ ინიცირების საფუძველზე და დღევანდელ სხდომაზე კომისიის წევრების მხარდაჭერით, ზვიად გამსახურდიას სანაპიროსთან მდებარე უსახელო ქუჩას ბაჩანა ბრეგვაძის სახელი მიენიჭება“-აღნიშნა თინათინ ნიბლოშვილმა.

სხდომის თავმჯდომარემ კენჭისყრაზე დააყენა დღის წესრიგით გათვალისწინებული ოცდამეორე საკითხი.

მომხრე - ხუთი.

წინააღმდეგი - არცერთი.

თავი შეიკავა - არცერთი.

გადაწყვიტეს: ქ.თბილისში, მთაწმინდის რაიონში, ზვიად გამსახურდიას სანაპიროსთან მდებარე უსახელო ქუჩას მიენიჭოს ფილოსოფოსის, აკადემიკოს ბაჩანა ბრეგვაძის სახელი.

23. ქ. თბილისში, კრწანისის რაიონში, ნიკოლოზ ბარათაშვილის ქუჩასთან მდებარე უსახელო ქუჩისთვის ქართლის მეფის დაჩი უჯარმელის სახელის მინიჭების შესახებ

მოისმინეს: თინათინ ნიბლოშვილის ინფორმაციით, კომისიაში მიმდინარეობს მსჯელობა ზაზა ნანობაშვილის წერილთან დაკავშირებით, თბილისის ისტორიულ უბანში ერთ-ერთი ქუჩისთვის დაჩი უჯარმელის სახელის მინიჭების მოთხოვნით.

თინათინ ნიბლოშვილმა კომისიის წევრებთან ერთად დაჩი უჯარმელის მოღვაწეობაზე ისაუბრა (იზრდებოდა უჯარმაში და ცნობილია უჯარმელის ზედწოდებით) და აღნიშნა, რომ სწორედ მეფე დაჩის დასრულებულია ჩვენი დედაქალაქი, მისი აგებულია დედაქალაქის პირველი ანჩისხატის საკათალიკოსო ტაძარი. მეფე დაჩიმ მამის ანდერძის თანახმად სატახტო ქალაქი მცხეთიდან თბილისში გადაიტანა, მცხეთა დარჩა საკათალიკოსო ცენტრად. მის დროს თბილისში მოსახლეობა მომრავლდა, აშენდა მარიამწმიდის ეკლესია.

კომისიის სამდივნოს უფროსმა, მამუკა ბალიშვილმა წარმოადგინა იმ უსახელო ტერიტორიის სიტუაციური ნახაზი, სადაც კომისიის გადაწყვეტილებით ქუჩას დაჩი უჯარმელის სახელი მიენიჭება.

სხდომას ესწრებოდა განმცხადებელი ზაზა ნანობაშვილი. მისმა მოკრძალებულმა თხოვნამ, რომ სადმე რომელიმე დიდი ქუჩისთვის ან პროსპექტისთვის მომხდარიყო მეფე დაჩი უჯარმელის სახელის მინიჭება, აზრთა სხვადასხვაობა გამოიწვია. „ტერიტორიას, სადაც უსახელო ქუჩა მდებარეობს, ისტორიულად ანჩისხატის უბანი ერქვა, კარგი იქნებოდა ამ ქუჩისთვისაც ანჩისხატის ქუჩის სახელი მიგვენიჭებინა“-აღნიშნა მან.

გიორგი ოთხმეზურის განცხადებით, ჩვენ ვსაუბრობთ დაჩი უჯარმელზე, როგორც მეფეზე და არანაირი მნიშვნელობა არ აქვს რა ზომისაა და სად მდებარეობს ქუჩა. მოსაზრებას დაეთანხმნენ კომისიის წევრებიც.

თინათინ ნიბლოშვილმა კიდევ ერთხელ ახსნა, რომ ქუჩა, რომელზეც ვმსჯელობთ, რომ დაჩი უჯარმელის სახელი მივანიჭოთ, მდებარეობს თბილისის ისტორიულ ნაწილში. მანვე გამოთქვა ინიციატივა, რომ სამომავლოდ კომისია აუცილებლად იმსჯელებს ასევე ქალაქის ისტორიულ ნაწილში რომელიმე სკვერისთვის დაჩი უჯარმელის სახელის მინიჭებზე.

კომისიის წევრები და განმცხადებელი ზაზა ნანობაშვილი დაეთანხმნენ კომისიის თავმჯდომარის ინიციატივას, საბოლოოდ, დღის წესრიგით გათვალისწინებულ ოცდამესამე საკითხს დადებითი რეკომენდაცია გაუწიეს.

სხდომის თავმჯდომარემ კენჭისყრაზე დააყენა დღის წესრიგით გათვალისწინებული ოცდამესამე საკითხი.

მომხრე - ხუთი.

წინააღმდეგი - არცერთი.

თავი შეიკავა - არცერთი.

გადაწყვიტეს: ქ.თბილისში, კრწანისის რაიონში, ნიკოლოზ ბარათაშვილის ქუჩასთან მდებარე უსახელო ქუჩას მიენიჭოს ქართლის მეფის დაჩი უჯარმელის სახელი.

24. ქ. თბილისში, ვაკის რაიონში, აგარაკში, შუა მინდვრის ქუჩასთან მდებარე უსახელო ქუჩისთვის წმინდაწყლის სახელის მინიჭების შესახებ

მოისმინეს: სხდომაზე კომისიის წევრებმა თინათინ ნიბლოშვილთან ერთად მოქალაქე შოთა ჭუმბურიძის წერილის საფუძველზე აგარაკში უსახელო ქუჩის სახელდების საკითხი განიხილეს.

თინათინ ნიბლოშვილის ინფორმაციით, უსახელო გეოგრაფიული ობიექტი მდებარეობს მდინარე წმინდაწყლის მიმდებარედ.

სხდომის თავმჯდომარემ სახელდების პროცესში ტოპონიმების შენარჩუნება-გამოვლენასა და აღდგენის მნიშვნელობაზე კიდევ ერთხელ ისაუბრა და კენჭისყრაზე დააყენა დღის წესრიგით გათვალისწინებული ოცდამეოთხე საკითხი.

მომხრე - ხუთი.

წინააღმდეგი - არცერთი.

თავი შეიკავა - არცერთი.

გადაწყვიტეს: ქ.თბილისში, ვაკის რაიონში, აგარაკში, შუა მინდვრის ქუჩასთან მდებარე უსახელო ქუჩას მიენიჭოს წმინდაწყლის სახელი.

25. ქ. თბილისში, ისნის რაიონში, ე.წ. სამხედრო ქალაქში მდებარე უსახელო ქუჩისთვის და მასთან არსებული სამი შესახვევისთვის ცხინვალის რეგიონში საომარი მოქმედებების დროს დაღუპული მეზრძოლის უშანგი (შმაგი) სოფრომადის სახელის მინიჭების შესახებ

მოისმინეს: კომისიის წევრებმა და საჯარო განხილვაზე დამსწრე დაინტერესებულმა მოქალაქეებმა კომისიაში შემოსულ წერილებთან დაკავშირებით თინათინ ნიბლოშვილის ინფორმაცია მოისმინეს. საქმე ეხება ისნის რაიონში, ე. წ. სამხედრო ქალაქში მდებარე უსახელო ქუჩის სახელდებას, წერილს კი მოქალაქეთა ერობლივი განცხადების საფუძველზე ისნის რაიონის გამგებელი კახა ლაბუჩიძე გვიგზავნის.

კომისიის თავმჯდომარის სახელზე ასევე შემოსულია სსიპ ვეტერანების საქმეთა სახელმწიფო სამსახურის დირექტორის ვლადიმერ იმნაძის წერილი, რომლითაც მეზრძოლ პატრიოტთა კავშირის თავმჯდომარე ემზარ ქვარიანთან ერთად ითხოვს ლუი პასტერის ქუჩისთვის ან თბილისის ერთ-ერთი ქუჩისთვის უმცროსი სერჟანტის უშანგი (შმაგი) სოფრომადის სახელის მინიჭებას.

სხდომაზე ზემოაღნიშნულთან დაკავშირებით იმსჯელეს. როგორც თინათინ ნიბლოშვილმა აღნიშნა, უშანგი (შმაგი) სოფრომადე 2008 წელს ცხინვალის რეგიონში საომარი მოქმედებების დროს ტყვედ ჩავარდა და დახვრეტილი იქნა. დაჯილდოებულია ვახტანგ გორგასლის I ხარისხის ორდენით.

აზრი გამოთქვეს: სხდომაზე შმაგი სოფრომადის დამსახურებაზე ისაუბრა ვეტერანების საქმეთა სახელმწიფო სამსახურის წარმომადგენელმა ზაირა მიქატაძემ. „შმაგი სოფრომადე გახლდათ უსახლო გმირი, სამწუხაროდ, მასთან დაკავშირებული არანაირი კადრები არ შემოგვინახა ისტორიამ, ბრძოლის ველზე დაჭრილი მეგობრის გამოსაყვანად შევიდა. მანამდე რამდენიმე გამოიყვანა კიდევ. ბოლოს თვითონაც ტყვედ ჩაუვარდა ოსებს. შმაგისთვის ხელებზე შეუტყვიათ ტანკისტი რომ იყო და დახვრიტეს.“

მან მადლობა გადაუხადა კომისიას თანამშრომლობისთვის და პოზიციების გაზიარებისთვის.

სხდომაზე საკითხების საჯარო განხილვას ესწრებოდა შმაგი სოფრომადის მეუღლე თეა ტაბატაძე და არასამთავრობო ორგანიზაცია „შეიარაღებული ძალების მხარდაჭერისთვის“ წარმომადგენელი მამუკა ჭანუყვაძე. მან პასტერის ქუჩისთვის სახელის შეცვლის და შმაგი სოფრომადის სახელის მინიჭების სურვილი კიდევ ერთხელ გააჟღერა, ხოლო თეა ტაბატაძემ გამოთქვა მოსაზრება, რომ სასურველია თავდაცვის სამინისტროს მიმდებარე ტერიტორიაზე არსებულ ერთ-ერთ უსახელო ქუჩას მიენიჭოს შმაგი სოფრომადის სახელი.

სხდომაზე აღნიშნულთან დაკავშირებით მოსაზრებები გამოითქვა. თინათინ ნიბლოშვილმა და კომისიის წევრებმა მიზანშეუწონლად მიიჩნიეს ლუი პასტერის ქუჩისთვის სახელის შეცვლა, გამომდინარე მისი ბიოგრაფიიდან (ფრანგი მიკრობიოლოგი და ქიმიკოსი) და თბილისში ლუი პასტერის ქუჩის არსებობის საუკუნოვანი ისტორიიდან. კომისიის თავმჯდომარის პოზიცია გაიზიარეს მარიკა დარჩიამ და გიორგი ოთხმეზურმა.

კომისიის სამდივნოს უფროსმა მამუკა ბალიაშვილმა განმარტა, რომ უსახელო ქუჩა და მასთან არსებული სამი შესახვევი მდებარეობს ე. წ. სამხედრო ქალაქში, აქედან გამომდინარე, ხსენებული სახელდება თემატურიცაა. რაც შეეხება აღნიშნულ ტერიტორიაზე გზათა ქსელების და ინფრასტრუქტურის მოწესრიგებას, აღსანიშნავია, რომ პრობლემების მოგვარებაში უკვე ჩართულია ისნის რაიონის გამგეობა და ისნის რაიონის მაჟორიტარი წევრი ნინო ლაცაბიძე. უმოკლეს ვადებში ამ მიმართულებით აღმოფხვრილი იქნება ყველა პრობლემა.

კომისიის წევრები შმაგი სოფრომადის ოჯახის წევრებთან ერთად შეთანხმდნენ და დღის წესრიგით წარმოდგენილ ოცდამეხუთე საკითხს დადებითი რეკომენდაცია გაუწიეს.

სხდომის თავმჯდომარემ კენჭისყრაზე დააყენა დღის წესრიგით გათვალისწინებული ოცდამეხუთე საკითხი.

მომხრე - ხუთი.

წინააღმდეგი - არცერთი.

თავი შეიკავა - არცერთი.

გადაწყვიტეს: ქ.თბილისში, ისნის რაიონში, ე.წ. სამხედრო ქალაქში მდებარე უსახელო ქუჩას და მასთან არსებულ სამი შესახვევს მიენიჭოს ცხინვალის რეგიონში საომარი მოქმედებების დროს დაღუპული მებრძოლის უშანგი (შმაგი) სოფრობადის სახელი.

26. ქ. თბილისში, საბურთალოს რაიონში, მერაბ ალექსიძის ქუჩასთან მდებარე უსახელო მოედნისთვის ფილოლოგის, პროფესორ ილია აბულაძის სახელის მინიჭების შესახებ

მოისმინეს: სხდომაზე თინათინ ნიბლოშვილმა დღის წესრიგით გათვალისწინებული ოცდამეექვსე საკითხი წარმოადგინა და კომისიის წევრებთან ერთად სსიპ კორნელი კეკელიძის სახელობის საქართველოს ხელნაწერთა ეროვნული ცენტრის დირექტორის ზაალ აბაშიძის წერილები განიხილა.

როგორც სხდომის თავმჯდომარემ განმარტა, აღსანიშნავია ის ფაქტი, რომ წელს საქართველოს ხელნაწერი მემკვიდრეობის ყველაზე მნიშვნელოვან საცავს და ამ მემკვიდრეობის კვლევის მთავარ დაწესებულებას-კორნელი კეკელიძის სახელობის საქართველოს ხელნაწერთა ეროვნულ ცენტრს დაარსებიდან 60 წელი უსრულდება. ცენტრის (ადრე ინსტიტუტის) დაარსება დაკავშირებულია გამოჩენილი მეცნიერის ილია აბულაძის სახელთან, რომელიც დღიდან დაარსებისა გარდაცვალებამდე იყო ამ ინსტიტუტის დირექტორი. თინათინ ნიბლოშვილის ინფორმაციით, უსახელო მოედანი, რომელსაც კომისიის გადაწყვეტილებით ილია აბულაძის სახელი უნდა მიენიჭოს, მდებარეობს სწორედ ხელნაწერთა ინსტიტუტის მიმდებარედ.

სხდომის თავმჯდომარემ კენჭისყრაზე დააყენა დღის წესრიგით გათვალისწინებული ოცდამეექვსე საკითხი.

მომხრე - ხუთი.

წინააღმდეგი - არცერთი.

თავი შეიკავა - არცერთი.

გადაწყვეტეს: ქ.თბილისში, საბურთალოს რაიონში, მერაბ ალექსიძის ქუჩასთან მდებარე
უსახელო მოედანს მიენიჭოს ფილოლოგის, პროფესორ ილია აბულაძის
სახელი.

კომისიის წევრებმა მხარი დაუჭირეს დღის წესრიგით წარმოდგენილი საკითხების
საკრებულოს ბიუროს სხდომაზე გატანას.

კომისიის თავმჯდომარემ სხდომა დახურულად გამოაცხადა.

სხდომის თავმჯდომარე

თინათინ ნიბლოშვილი

თ. ნიბლოშვილი

სახელდებისა და სიმბოლიკის კომისიის

სხდომა

23 აგვისტო, 2018 წელი

N	სახელი, გვარი	ხელმოწერა
1.	თინათინ ნიბლოშვილი	თ. ნიბლოშვილი
2.	მარია დარჩია	მ. დარჩია
3.	გიორგი ბირბიჩაძე	
4.	ანა ლაშხი	ანა ლაშხი
5.	გულია გოცირიძე	გ. გოცირიძე
6.	თარაშ შურღია	თ. შურღია

სახელდებისა და სიმბოლიკის
კომისიის თავმჯდომარე

თინათინ ნიბლოშვილი
თ. ნიბლოშვილი